

ხელშეკრულება
სახელმწიფო შესყიდვის შესახებ №2017/115
გამარტივებული ელექტრონული ტენდერი (NAT170003480))

28 აპრილი 2017 წ.

ქ. თბილისი

ერთი მხრივ, **საქართველოს იუსტიციის სამინისტროს მმართველობის სფეროში მოქმედი სსიპ „აღსრულების ეროვნული ბიურო“** (იურიდიული მის: ქ. თბილისი, აღმაშენებლის ხეივანი მე-10 კმ.), წარმოდგენილი - ეკონომიკური სამსახურის უფროსის მოვალეობის შემსრულებლის კობა ხუბუნაიას სახით (შემდგომში „შემსყიდველი“) და მეორე მხრივ, **შპს „ჯეო ტექსტილი“** (მის: ქ.თბილისი, ჯავახეთის ქ. N22), წარმოდგენილი - გიორგი კველიშვილის სახით (შემდგომში „მიმწოდებელი“), შემდგომში ორივე ერთად წოდებული როგორც მხარეები „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის, სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული გამარტივებული ელექტრონული ტენდერის (აუქციონის გარეშე) **გარედან ჩასაცემელი ტანსაცმლის** სახელმწიფო შესყიდვის საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელმაც მოიპოვა გამარჯვება შემსყიდველის მიერ გამოცხადებულ ტენდერში (NAT170003480).
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“)- შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული და მიმწოდებლის მიერ წინამდებარე ხელშეკრულების 1.2 პუნქტში მითითებული, ტენდერისათვის წარმოდგენილი ყველა დოკუმენტით, მათ შორის:
 - 1.3.1 გარედან ჩასაცემელი ტანსაცმლის ფასების ცხრილი (დანართი №1).
 - 1.3.2 გარედან ჩასაცემელი ტანსაცმლის ტექნიკური დავალება (დანართი №2).
 - 1.3.3 პრეტენდენტის რეკვიზიტები (დანართი №3).
- 1.4 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5 „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ **გარედან ჩასაცემელი ტანსაცმლის** (შემდგომში „საქონელი“) სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: CPV 18200000; 18210000; 18234000; 18235300; 18235100; 18211000; 18230000; 18235400).
- 2.3 მისაწოდებელი საქონლის დასახელება, ზომის ერთეული, რაოდენობა და ერთეულის ფასი განისაზღვრება დანართი №1-ის შესაბამისად.
- 2.4 შესყიდვის ობიექტი შეფუთული უნდა იყოს ქარხნული წესით ისე, რომ დაცული იყოს გარემო ზემოქმედებისაგან, გარდა იმ პროდუქციისა, რომლის შეფუთვაც შეუძლებელია ქარხნული წესით.

3. ხელშეკრულების ღირებულება

- 3.1 ხელშეკრულების საერთო ღირებულება განისაზღვრება მიმწოდებლის მიერ წარმოდგენილი დანართი №1-ის შესაბამისად და შეადგენს **17' 233 (ჩვიდმეტი ათას ოცდაცამეტი) ლარს**.
- 3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ის ჩათვლით.

4. საქონლის მიწოდების ვადა და ადგილი

- 4.1. მიმწოდებელი საქონლის მიწოდებას განახორციელებს დანართი №1-ის შესაბამისად.
- 4.2. შესასყიდი საქონლის მიწოდების ადგილია - ქ. თბილისი აღმაშენებლის ხეივანი მე-10 კმ. სსიპ „აღსრულების ეროვნული ბიუროს“ საწყობი.
- 4.3. საქონლის მიწოდებას მიმწოდებელი უზრუნველყოფს საკუთარი ხარჯით.

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებენ: სსიპ „აღსრულების ეროვნული ბიუროს“ ეკონომიკური სამსახურის ლოჯისტიკის განყოფილების თანამშრომლები (შემდგომში „ინსპექტორების ჯგუფი“).
- 5.3 ინსპექტორების ჯგუფის ფუნქციებია:
 - 5.3.1 გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;
 - 5.3.2 დაადგინოს მიწოდებული საქონლის ან/და მისი ნაწილის ხარისხის შესაბამისობა ხელშეკრულებით გათვალისწინებულ მოთხოვნებთან;
 - 5.3.3 გააფორმოს მიმწოდებელთან მიღება-ჩაბარების აქტი, უზრუნველყოს მიწოდებული საქონლის მიღება და ანგარიშსწორების პროცესის რეგულირება.

6. საქონლის საგარანტიო პირობები და ვადები

- 6.1 მიმწოდებელი იძლევა გარანტიას, რომ მიწოდებული საქონელი იქნება ახალი (არ იქნება ექსპლუატაციაში ნამყოფი), ხარისხიანი და შეესაბამება საქონლის ტექნიკურ პირობებს (დანართი №2).
- 6.2 მიწოდებულ საქონელზე საგარანტიო ვადა შეადგენს, საქონლის მიწოდების შესახებ შედგენილი დოკუმენტის (მიღება-ჩაბარების აქტის) გაფორმების თარიღიდან 12 (თორმეტი) თვეს.
- 6.3 მიმწოდებელი ვალდებულია შემსყიდველის მიერ წერილობითი მოთხოვნიდან არაუმეტეს 5 (ხუთი) სამუშაო დღის ვადაში განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 6.4 მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოკვეთოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.
- 6.5 შემსყიდველს ორგანიზაციას უფლება აქვს უარი განაცხადოს წუნდებული საქონლის მიღებაზე.

7. საქონლის მიღება-ჩაბარების წესი

- 7.1 შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული საქონლის შესაბამისად.
- 7.2 იმ შემთხვევაში თუ, მიწოდებული საქონელი შეესაბამება ხელშეკრულების დანართი №2-ით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს მიწოდებული საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულების გათვალისწინებულ მოთხოვნებს შემსყიდველს უფლება აქვს არ მიიღოს ნაკლოვანი საქონელი და დაუბრუნოს იგი მიმწოდებელს მიმწოდებლის ხარჯით.
- 7.3 მიმწოდებელმა შემსყიდველს უნდა წარუდგინოს საქონლის მიწოდებისას მიღება-ჩაბარების აქტი და საქართველოს კანონმდებლობით დადგენილი შესაბამისი საგადასახადო დოკუმენტები, მათ შორის საგადასახადო ანგარიშფაქტურა (იმ შემთხვევაში თუ მიმწოდებელი არ არის დღგ-ს გადამხდელი, მაშინ მიმწოდებელმა ანგარიშსწორების დროს უნდა წარმოადგინოს შესაბამისი ცნობა სსიპ „შემოსავლების სამსახურიდან“).
- 7.4 საქონლის მიწოდება უნდა დადასტურდეს ორივე მხარის მიერ ხელმოწერილი შესაბამისი აქტის გაფორმებით.
- 7.5 ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე პასუხისმგებელ პირს წარმოადგენს სსიპ „აღსრულების ეროვნული ბიუროს“ ეკონომიკური სამსახურის ლოჯისტიკის განყოფილების უფროსი/უფროსის მოვალეობის შემსრულებელი.

8. ანგარიშსწორების პირობები და ვადები

- 8.1 ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად მიწოდებული საქონლის მოცულობის შესაბამისად, მიმწოდებლის საბანკო რეკვიზიტებზე.
- 8.2 ანგარიშსწორება განხორციელდება „სააღსრულებო წარმოებათა შესახებ“ საქართველოს კანონის საფუძველზე მიღებული 2017 წლის საკუთარი შემოსავლებით.
- 8.3 ანგარიშსწორება მიმწოდებელთან განხორციელდება ხელშეკრულების 7.3. და 7.4. პუნქტებით გათვალისწინებული საბუთების საფუძველზე, წარმოდგენიდან არაუგვიანეს 10 (ათი) სამუშაო დღის განმავლობაში.
- 8.4 წინასწარი ანგარიშსწორება (ავანსი) არ გამოიყენება.
- 8.5 8.3 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია 7.5 პუნქტში მითითებული პირი.

8.6 შემსყიდველი უფლებამოსილია, ხოლო მიმწოდებელი თანახმაა ხელშეკრულების 12.3 და 12.4 პუნქტით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან და გადარიცხოს მიმწოდებლის სახელით სსიპ „აღსრულების ეროვნული ბიუროს“ ანგარიშზე სახელმწიფო ხაზინაში.

8.7 საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

9. მხარეთა უფლება-მოვალეობანი

9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.

9.2 შემსყიდველი უფლებამოსილია:

9.2.1 განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

9.2.2 საქონლის მიწოდების გრაფიკით გათვალისწინებული ვადების დარღვევის შემთხვევაში მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად.

9.3 შემსყიდველი ვალდებულია:

9.3.1 მიიღოს მოთხოვნილი საქონელი;

9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;

9.3.3 განახორციელოს ამ ხელშეკრულებით მასზე დაკისრებული სხვა ვალდებულებები.

9.4 მიმწოდებელი უფლებამოსილია:

9.4.1 მოითხოვოს შემსყიდველისგან მიწოდებული საქონლის ანაზღაურება ხელშეკრულებით გათვალისწინებული პირობების შესაბამისად;

9.4.2 ანგარიშსწორების ვადის დარღვევის შემთხვევაში შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად.

9.5 მიმწოდებელი ვალდებულია:

9.5.1 მიაწოდოს შემსყიდველს ნივთობრივად და უფლებრივად უნაკლო საქონელი;

9.5.2 საქონლის მიწოდება განახორციელოს წინამდებარე ხელშეკრულების მე-4 პუნქტში მოცემული პირობების შესაბამისად;

9.5.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ დაიწყოს მუშაობა აღმოჩენილი ხარვეზის გამოსწორებისათვის;

9.5.4 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;

9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

10.1 ხელშეკრულების დამდებ არც ერთ მხარეს უფლება არ აქვს ცალმხრივად შეცვალოს ხელშეკრულების პირობები.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.

10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

11.1 ხელშეკრულება შეიძლება შეწყდეს:

11.1.1 მხარეთა წერილობითი შეთანხმებით;

11.1.2 ხელშეკრულების ვადის გასვლის გამო;

11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.

11.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:

11.2.1 მიმწოდებელი არ ასრულებს ან არაჯეროდან ასრულებს ხელშეკრულებით ნაკისრ ვალდებულებებს;

11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;

11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;

- 11.2.4 ხელშეკრულების 12.3. და 12.4 პუნქტებით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 5%.
- 11.2.5 მიმწოდებლის გაკოტრების შემთხვევაში;
- 11.2.6 საქართველოს კანონმდებლობით გათვალისწინებულ სხვა შემთხვევებში.

12. მხარეთა პასუხისმგებლობა

- 12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს გადასახდელი თანხის 0.02% ყოველი ვადაგადაცილებული დღისათვის.
- 12.3 მიმწოდებელი პასუხისმგებელია მიწოდების გრაფიკით გათვალისწინებული ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს გრაფიკით მისაწოდებელი საქონლის ღირებულების 0.02% პროცენტი ყოველი ვადაგადაცილებული დღისათვის.
- 12.4 თუ მიმწოდებელი საგარანტიო ვადის პერიოდში არ განახორციელებს წუნდებული საქონლის შეცვლას, ხელშეკრულების 6.3 პუნქტის შესაბამისად, დაეკისრება პირგასამტეხლოს სახით ხელშეკრულების მთლიანი ღირებულების 0.02% ყოველი ვადაგადაცილებული დღისათვის.
- 12.5 პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულებისაგან.

13. ფორს-მაჟორი

- 13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორის მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორიცაა ომი, სტიქიური მოვლენები, ეპიდემია და ა.შ.
- 13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული გარემოების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.
- 13.4 ფორს-მაჟორული გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

14. დავების გადაწყვეტა

მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობით დადგენილი წესის შესაბამისად.

15. ხელშეკრულების სხვა პირობები

- 15.1 ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი;
- 15.2 ამ ხელშეკრულებით გაუთვალისწინებელი საკითხები განისაზღვრება საქართველოს მოქმედი კანონმდებლობის შესაბამისად;

15.3 ხელშეკრულება შედგენილია ქართულ ენაზე, 3 (სამი) თანაბარი იურიდიული ძალის მქონე ეგზემპლარად, რომელთაგან ხელშეკრულების 1 (ერთი) ეგზემპლარი ინახება „მიმწოდებელთან“; 2 (ორი) ეგზემპლარი „შემსყიდველთან“.

16. ხელშეკრულების მოქმედების ვადა

- 16.1 ხელშეკრულება ძალაშია მისი ხელმოწერის დღიდან და მოქმედებს 2017 წლის 31 დეკემბრის ჩათვლით, გარდა ამ ხელშეკრულების მე-6 პუნქტისა.
- 16.2 ხელშეკრულების მე-6 პუნქტი ძალაშია ხელმოწერის დღიდან და მოქმედებს საგარანტიო ვადის სრული პერიოდის განმავლობაში.

17. მხარეთა რეკვიზიტები

„შემსყიდველი“

საქართველოს იუსტიციის სამინისტროს

სსიპ „აღსრულების ეროვნული ბიურო“

იურიდ. მის: ქ. თბილისი, დავით აღმაშენებლის ხეივანი მე-10 კმ.

ბანკის კოდი: TRESGE22

მიმღების ბანკი: სახელმწიფო ხაზინა;

მიმღების დასახელება: ხაზინის ერთიანი ანგარიში;

მიმღების ანგარიში/სახაზინო კოდი: 707453459

საიდენტიფიკაციო კოდი: 205263873



კობა ხუბუნაია

ეკონომიკური სამსახურის უფროსის
მოვალეობის შემსრულებელი

„მიმწოდებელი“

შპს „ჯეო ტექსტილი“

იურიდიული მის: ქ. თბილისი ჯავახიშვილის №22

ფაქტიური მის: ქ. თბილისი ჭირნახულის №9

ტელ: 599 96 98 95

მიმღების ბანკი: სს „საქართველოს ბანკი“

ბანკის კოდი: BAGAGE22

ა/ა: GE44 BG00 0000 0776223700

საიდენტიფიკაციო ნომერი: 406195148



გიორგი კველიშვილი
დირექტორი

გარედან ჩასაცემი ტანსაცმლის ფაქტების ცხრილი

შპს "ჯეო ტექსტილი"

№	კლასიფიკაციის კოდი CPV	საქონლის დასახელება	ზომის ერთეული	რაოდენობა	საქონლის წარმოების ქვეყანა	შემოთავაზებული საქონლის მწარმოებელი ფირმა და მოდელი (არსებობის შემთხვევაში)	ერთეულის ღირებულება (დღგ-ს ჩათვლით)	საერთო ღირებულება (დღგ-ს ჩათვლით)	საქონლის მიწოდების ვადა ხელშეკრულების ბის გაფორმების თარიღიდან 2017 წლის 15 მაისამდე	საქონლის მიწოდების ვადა ხელშეკრულების გაფორმების თარიღიდან 60 (სამი) საბუთო დღით	საგარანტიო ვადა
I	II	III	IV	V	VI	VII	VIII	IX	X	XI	XII
1	182110000	ქორთუკი მათბელებლი (ლეორჯი)	ცალი	15	საქართველო	შპს "ჯეო ტექსტილი" / მოდელი არ გააჩნია	70,00	1050,00	15	-	-
2	182340000	სამუშაო შარვალი	ცალი	15	საქართველო	შპს "ჯეო ტექსტილი" / მოდელი არ გააჩნია	28,00	420,00	15	-	-
3	182353000	მისური ლეორჯი	ცალი	15	საქართველო	შპს "ჯეო ტექსტილი" / მოდელი არ გააჩნია	8,00	120,00	15	-	-
4	182351000	ბულოვერი	ცალი	15	თურქეთი	თურქეთი / "YILMAZ TRIKO EROL YILMAZ" / მოდელი არ გააჩნია	45,00	675,00	15	-	-
5	182110000	ჰეჩი	ცალი	15	საქართველო	შპს "ჯეო ტექსტილი" / მოდელი არ გააჩნია	12,00	180,00	15	-	-
6	182300000	წმისფარი	ცალი	15	საქართველო	შპს "ჯეო ტექსტილი" / მოდელი არ გააჩნია	12,00	180,00	15	-	-
7	182340000	შარვალი საზღვრული	ცალი	88	საქართველო	შპს "ჯეო ტექსტილი" / მოდელი არ გააჩნია	35,00	3080,00	44	44	-
8	182353000	მისური სტილის მისური	ცალი	88	საქართველო	შპს "ჯეო ტექსტილი" / მოდელი არ გააჩნია	19,00	1672,00	44	44	-
9	182300000	პერანგი მოკლე სახელოებით	ცალი	88	საქართველო	შპს "ჯეო ტექსტილი" / მოდელი არ გააჩნია	22,00	1936,00	44	44	-
10	182354000	ქოლგა	ცალი	44	საქართველო	შპს "ჯეო ტექსტილი" / მოდელი არ გააჩნია	30,00	1320,00	44	-	-
11	182340000	შარვალი ზამთრისთვის	ცალი	88	საქართველო	შპს "ჯეო ტექსტილი" / მოდელი არ გააჩნია	38,00	3344,00	-	88	-
12	182353000	მისური	ცალი	88	საქართველო	შპს "ჯეო ტექსტილი" / მოდელი არ გააჩნია	8,00	704,00	44	44	-
13	182300000	პერანგი გრძელი სახელოებით	ცალი	88	საქართველო	შპს "ჯეო ტექსტილი" / მოდელი არ გააჩნია	23,00	2024,00	-	88	-
14	182110000	ქოლგა	ცალი	44	საქართველო	შპს "ჯეო ტექსტილი" / მოდელი არ გააჩნია	12,00	528,00	44	-	-
სულ:								17233,00			




შპს "ჯეო ტექსტილი"-ს დირექტორი ავთანდილ კახიშვილი

გარედან ჩასაცემელი ტანსაცმლის ტექნიკური დავალება

№	დასახელება	ტექნიკურ-ხარისხობრივი მაჩასიათებლები
I	II	III
1	ქურთუკი მათბუნებლით (ლურჯი)	საშუალო სტილის, სამი სეზონის, მოხსნადი სახელოებით და მათბუნებლით. იკვრება წინ ელვა შესაკრავით. კალთების ქვედა ნაწილში დამუშავებულია გაჭრილი ფურცლაკიანი ჯიბეები, კალთების ზედა ნაწილი არის ჰორიზონტალური ნაკვეთი, რომლის შიგნით დამუშავებულია გაჭრილი ელვა შესაკრავებიანი ჯიბეები. ქსოვილი დამუშავებულია სარჩულზე. ქსოვილი 100% პოლიესტერი, წონა 135გრმ ² ფერი ლურჯი. ქურთუკის მათბუნებლის კალთებზე დამუშავებულია ვერტიკალური გაჭრილი ფურცლაკიანი ჯიბეები. საყელო დგარი. იკვრება წინ ელვა შესაკრავით, სახელო არ არის ჩაკერებული ქურთუკზე. მათბუნებელი ქურთუკზე მაგრდება ელვა შესაკრავით, ისე რომ ამ მათბუნებლის ჩაცმა ცალკეც იყოს შესაძლებელი. კისრის ამონაჭერში და სახელოს ბოლოებში ძირითად ქურთუკზე მაგრდება კნოპებით. ქურთუკზე წინა მხარეს დატანილი უნდა იყოს აღსრულების ეროვნული ბიუროს ლოგო, ზურგზე წარწერა „აღსრულების ეროვნული ბიურო“
2	სამუშაო შარვალი	სწორი სილუეტის, იკვრება ელვა შესაკრავით, ორი ღილით ღილაკილოზე და მეტალის შესაკრავით, შარვლის წინა ნახევარზე მუშავდება გვერდის გაჭრილი ჯიბე, უკანა მარჯვენა მხარეს ორკანტიანი გაჭრილი ჯიბე. ქსოვილი - 100% ბამბა, მუქი ლურჯი ფერის.
3	მაისური ლოგოთი	მოკლე სახელოებით. მრგვალი ყელის ამონაჭერით. ქსოვილი - 100% ბამბა, მუქი ლურჯი ფერის. წინა მხარეს აღსრულების ეროვნული ბიუროს ლოგოთი, ზურგზე წარწერით „აღსრულების ეროვნული ბიურო“
4	პულოვერი	მაღალი ყელით, პულოვერის მანქეტები და ბოლო გარეზინებული ნაქსოვი. ქსოვილი - 100% ბამბა, მუქი ლურჯი ფერის.
5	კეპი	რეგულირებადი, ქსოვილი - არანაკლებ 80% ბამბა, დანარჩენი პოლიესტერი, 1 ცალი მწვანე ფერის, დანარჩენი მუქი ლურჯი ფერის, აღსრულების ეროვნული ბიუროს ლოგოთი
6	წინსაფარი	ქსოვილი - 65% ვისკოზა, 35% პოლიესტერი, მუქი ლურჯი ფერის. აღსრულების ეროვნული ბიუროს ლოგოთი,
7	შარვალი საზაფხულო	სწორი სილუეტის, იკვრება წინ ელვა შესაკრავით, ორი ღილით ღილაკილოზე და მეტალის შესაკრავით, შარვლის წინა ნახევარზე მუშავდება გვერდის გაჭრილი ჯიბე, უკანა მარჯვენა მხარეს ორკანტიანი გაჭრილი ჯიბე, გვერდის ნაკერები მთელ სიგრძეზე დამუშავებული მუქი ნაცრისფერი 0,5სმ-იანი კანტით. ქსოვილი - პოლიესტერი 65% ±5% ვისკოზა 35% ±5%, წონა 230გრმ ² ±10%, ფერი მუქი ლურჯი.
8	პოლოს სტილის მაისური	მაისური მოკლე სახელოებით. მკლავზე მარცხენა მხარეს დაკერებული ნაქარგი გერბით, იკვრება წინ სამი ღილით და ღილაკილოთი, საყელო გადაფენილი, წინ მარცხნივ წარწერა ნაქარგი „აღსრულების პოლიცია“, ქსოვილი - ბამბა არანაკლებ 60%, წონა არანაკლებ 150გრმ ² . ქსოვილის ფერი - მუქი ლურჯი და მუქი ნაცრისფერი ელემენტებით გაფორმებული.
9	პერანგი მოკლე სახელოებით	პერანგი იკვრება წინ 7 (შვიდი) ღილით და ღილაკილოთი, საყელო დგარით გადაფენილი. კალთაზე ორივე მხარეს ზედნადები ფიგურული ნაკვეთიანი ჯიბეები სარქველით, რომელიც იკვრება ორი ღილით და ღილაკილოთი. ზურგი ორმაგი კოკეტით. მხრის ნაკერში ჩაკერებული სამხრეები, რომელიც იკვრება ერთი ღილით და ღილაკილოთი, სახელო მოკლე, მკლავზე მარცხენა მხარეს დაკერებული ნაქარგი გერბით. დგარის და მანქეტის შიგნით დეტალები გაფორმებული უნდა იყოს მუქი ნაცრისფერი ფერის ქსოვილით. პერანგის ფერი -მუქი ლურჯი, ქსოვილი: პოლიესტერი 55% ± 5%, ბამბა 45%± 5%, წონა 120გრმ ² ±10%. მკერდზე წარწერით ნაქარგი „აღსრულების პოლიცია“.
10	ჟილეტი	მოკლე სტილის, მრგვალი ყელის ამონაჭერით საყელოს გარეშე, იკვრება წინ ელვა შესაკრავით. კალთებზე ქვედა მხარეს დამუშავებულია გაჭრილი ორკანტიანი ჯიბეები, რომელიც იკვრება ელვა შესაკრავით. მარჯვენა კალთის ზედა მხარეს დამუშავებულია ორკანტიანი გაჭრილი ჯიბეები ელვა შესაკრავით. ჟილეტის ბოლო დამუშავებულია ქაშრით, რომელსაც გვერდებში ჩასმული აქვს

		რეზინები. ელექტი დამუშავებულია თხელი სარჩულით მარცხენა მხარეს გულის ჯიბით. ზურგზე და მარცხენა კალთის ზედა ნაწილზე შესრულებულია წარწერა „აღსრულების პოლიცია“. ქსოვილი 100% პოლიესტერი. ფერი - მუქი ლურჯი, მკერდზე წარწერით „აღსრულების პოლიცია“.
11	შარვალი ზამთრისთვის	სწორი სილუეტის, იკვრება წინ ელვა შესაკრავით, ორი ღილით ღილკილოზე და მეტალის შესაკრავით, შარვლის წინა ნახევარზე მუშავდება გვერდის გაჭრილი ჯიბე, უკანა მარჯვენა მხარეს ორკანტიანი გაჭრილი ჯიბე, გვერდის ნაკერები მთელ სიგრძეზე დამუშავებული მუქი ნაცრისფერი 0,5სმ-იანი კანტით. ქსოვილი - პოლიესტერი 60% ± 5% ვისკოზა 40% ± 5%, წონა 270გრამ ± 10%, ფერი მუქი ლურჯი.
12	მაისური	მოკლე სახელოებით, მკლავზე მარცხენა მხარეს დაკერებული ნაქარგი გერბით, მრგვალი ყელის ამონაჭერით, რომელიც დამუშავებულია გარეწინებული ქსოვილით. ქსოვილის ფერი - თეთრი, შემადგენლობა - 100% ბამბა, წონა 150გრამ ± 10%.
13	პერანგი გრძელი სახელოებით	პერანგი იკვრება წინ 7 (შვიდი) ღილით და ღილკილოთი, საყელო დგარით გადაფენილი, კალთაზე ორივე მხარეს ზედნადები ფიგურული ნაკეცის ჯიბეები სარქველით რომელიც იკვრება ორი ღილით ღილკილოთი. ზურგი ორმაგი კოკეტკით, მხრის ნაკერში ჩაკერებული სამხრეები რომელიც იკვრება ერთი ღილით და ღილკილოთი, სახელო გრძელი, მკლავზე მარცხენა მხარეს დაკერებული ნაქარგი გერბით და ბოლოში მანუეტით, რომელიც იკვრება ერთი ღილით ღილკილოთი. დგარის და მანუეტის შიგნით დეტალები გაფორმებულია მუქი ნაცრისფერი ფერის ქსოვილით. პერანგის ფერი - მუქი ლურჯი, ქსოვილი - პოლიესტერი 65% ± 5 % ბამბა 35% ± 5% წონა 120გრამ ± 10. მკერდზე წარწერით ნაქარგი „აღსრულების პოლიცია“.
14	ქუდი	წინაფრიანი ქუდი მუქი ლურჯი ქსოვილით, უნდა გააჩნდეს ზომის მარეგულირებელი ქამარი მეტალის ბალოთით. ქსოვილი - 100% ბამბა. ქუდის წინა მხარეს უნდა გაკეთდეს წარწერა-ნაქარგი „აღსრულების პოლიცია“.

შენიშვნა:

- პრეტენდენტი ტენდერში მონაწილეობით ავტომატურად ეთანხმება წინამდებარე სატენდერო დოკუმენტაციის დანართი №2-ით განსაზღვრულ შესყიდვის ობიექტის ტექნიკურ მახასიათებლებს, რასაც ადასტურებს ხელმოწერით და ბეჭდით (ასეთის არსებობის შემთხვევაში).
- ფორმების შეკერვა უნდა მოხდეს ინდივიდუალურად აღებული ზომების მიხედვით (კეპებისა და ქუდების გარდა). ქსოვილების ფერები და ტანსაცმლის დიზაინი უნდა შეთანხმდეს შემსყიდველთან.
- მიმწოდებელს სსიპ „აღსრულების ეროვნული ბიურო“-ს ლოგო გადაეცემა ხელშეკრულების გაფორმების შემდეგ.

—დირექტორი: გიორგი კველიშვილი—
(პასუხისმგებელი პირის თანამდებობა, სახელი გვარი)



რეკვიზიტები:

პრეტენდენტის იურიდიული ფორმა და დასახელება: შპს „ჯეო ტექსტილი“
ხელმძღვანელის სახელი და გვარი: გიორგი კველიშვილი
პრეტენდენტის იურიდიული მისამართი: ქ. თბილისი, ჯავახეთის ქ. N22
პრეტენდენტის ფაქტიური მისამართი: ქ. თბილისი ჭირნახულის ქ. N9
პრეტენდენტის ოფისის/მობილურის ტელეფონის ნომერი: 599 96 - 98 - 95 / 032 2 40 - 71 - 40
ელექტრონული მისამართი: geotextile@yahoo.com
საიდენტიფიკაციო კოდი: 406195148
ბანკის დასახელება: საქართველოს ბანკი
ბანკის კოდი: BAGAGE22
საბანკო ანგარიშის ნომერი: GE44BG0000000776223700(GEL)



დირექტორი: გიორგი კველიშვილის

ხელმოწერა და ბეჭედი:

